



## Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris  
Angelici Ordinis Prædicatorum**

Svpplementvm Tertiæ Partis

**Thomas <von Aquin, Heiliger>**

**Romae, 1619**

Vtrum hoc sacramentum fuerit à Christo institutum? 3

**urn:nbn:de:hbz:466:1-38817**

nullo modo faciendum est. Nec tamen ministrorum pluralitas tollit unitatem huius sacramenti, quia instrumentaliter tantum operantur. Mutatio autem martellorum non tollit unitatem operationis fabri.

## ARTIC. III.

*Vtrum hoc sacramentum fuerit à Christo institutum?*

113

A D terium sic proceditur. Videlur, quod hoc sacramentum non fuerit institutum à Christo. Quia de institutione sacramentorum, quae Christus instituit, sit mentio in Euangелиo, sicut de Eucaristia & Baptismo. Sed nulla sit mentio de extrema unctione. Ergo non est à Christo instituta.

¶ 2 Præterea, Magister \* expresse dicit in 4. di-  
stinctio. 23. quod est institutum ab Apostolis. Ergo ip-  
se Christus per se non instituit.

¶ 3 Præterea, Sacramentum quod Christus insti-  
tuit, etiam ipse per se exhibuit, ut patet de Eucha-  
ristia & Baptismo. Sed hoc sacramentum nulli ipse  
exhibuit. Ergo per se non instituit.

SED contra, Sacraenta nouæ legis sunt dignio-  
ra, quam sacramenta veteris legis. Sed omnia sacra-  
menta veteris legis sunt à Deo instituta. Ergo mul-  
to fortius omnia sacramenta nouæ legis habent insti-  
tutionem ab ipso Christo.

¶ Præterea, Eiusdem est instituere, & statutum re-  
movere. Sed ecclesia quæ in successoribus Aposto-  
lorum habet eamdem auctoritatem, quam Apostoli  
habuerunt, non posset auferre sacramentum extre-  
ma unctionis. Ergo Apostoli non instituerunt, sed  
ipse Christus.

RESPONDEO dicendum, quod circa hoc est du-  
plex opinio. Quidam enim dicunt, quod sacra-  
mentum istud, & confirmationis, Christus non instituit  
per se, sed apostolis instituendum dimisit: quia hæc  
duo propter plenitudinem gratiæ, que in eis confer-  
tur, non potuerunt ante Spiritus sancti missionem,  
plenissimam institui: vnde sunt ita sacramenta nouæ

legis,

legis, quod in veteri lege figuram non habuerunt. Sed hæc ratio non multum cogit: quia sicut Christus ante passionem suam promisit plenam spiritus sancti missionem, ita potuit instituere hæc sacramenta. Et ideo alij dicunt, quod omnia sacramenta Christus instituit per seipsum: sed quædam per seipsum promulgavit, quæ sunt maioris difficultatis ad credendum; quædam autem Apostolis promulganda reseruauit, sicut extremamunctionem & confirmationem. Et hæc opinio pro tanto videtur probabilior, quia sacramenta ad fundamentum legis pertinent: & ideo ad legislatorem pertinet eorum institutione: & iterum, quia ex institutione efficaciam habent, quæ eis non nisi diuinitus inest.

Ad primum ergo dicendum, quod multa Dominus fecit & dixit, quæ in euangelijs non continentur. Illa enim præcipue curauerunt Euangelistæ tradentes, quæ ad necessitatem salutis & ecclesiæ dispositionem pertinent: & ideo potius institutionem Baptismi, & pœnitentiaæ, & Eucharistiaæ, & ordinis factam a Christo narrauerunt, quam extremaunctionis vel confirmationis, quæ neque sunt de necessitate salutis, neque ad ad dispositionem, siue distinctionem Ecclesia pertinent. Tamen etiam de olei unctione fit mentio in euangello, Marci 6. vbi dicitur, quod Apostoli oleovngebant infirmos.

*¶ loc. cit.  
in arg. 2.* Ad secundum dicendum, quod Magister dicit ab Apostolis institutum, quia per doctrinam Apostolorum nobis promulgata est eius institutio.

Ad tertium dicendum, quod Christus non exhibuit aliquod sacramentum, nisi quod ipse accepit in exemplum: accipere autem pœnitentiam & extremam unctionem tibi non competebat, quia sine peccato erat: ideo ipse non exhibuit.